



Ilmo Concello de
CAMBADOS
(Pontevedra)

ACTA DA SESION ORDINARIA CELEBRADA POLO PLENO DA CORPORACION MUNICIPAL O DIA 29 DE AGOSTO DO ANO 2013

No Salón de Sesiões da Casa Consistorial do Ilmo. Concello de Cambados, sendo as vinteunha horas do día vintenove de agosto do ano dous mil trece, e co obxecto de celebrar sesión ordinaria do Pleno da Corporación Municipal, e tratar dos asuntos da órde do día incluído na convocatoria cursada a tal efecto, baixo a Presidencia do Sr. Alcalde, D. Luis Aragunde Aragunde, reuníronse os señores Concelleiros, D. José Juan Cores Chaves, D^a Candelaria Martínez Eiras, D^a María Isabel Varela Piñeiro, D. Antonio Joaquín Iglesias Pombo, D^a Mónica Bea Troncoso, D. Eulogio Pomares Botana, D. Juan Ramiro Gómez Blanco, D^a Ana Isabel Oubiña Santos, D. Ricardo Quintáns Cores; D. Victor M. Caamaño Rivas, D^a María Josefa Cacabelos Dominguez., D^a M^a Teresa Prado Cores, D^a Fátima Abal Roma, D^a Milagros Martínez Piñeiro e D. Manuel Angel Giráldez Oubiña (no intre que se dirá). Non asiste D. Rodrigo Rey Vázquez.

Actúa como Secretario, o Funcionario D. Alberto Fuentes Losada, nomeado pola Xunta de Galicia.

1º.- LECTURA E APROBACION DA ACTA DA SESIÓN ANTERIOR.- Aberta a sesión, pola Presidencia pregúntase ós señores concelleiros se teñen algunha obxección que formular á acta da sesión celebrada o pasado día 27 de xuño, e non formulándose ningunha, a Corporación Municipal acorda prestarlles a súa aprobación.-

1º.- TOMA DE POSESION DA CONCELEIRA DO B.N.G. D^a M^a TERESA PRADO CORES.- Incorpórase á sesión D^a M^a TERESA PRADO CORES, co obxecto de posesionarse do cargo de Concelleira polo Grupo Político do B.N.G., en substitución de D. Xaquín Charlín González, que presentou renuncia, e toda vez que consta no expediente a credencial expedida pola Junta Electoral Central a favor da Sra. Prado Cores, e os demais documentos previstos na lexislación aplicable, en relación coas causas de incompatibilidade e declaración de bens patrimoniais.

Acto seguido, e co obxecto de tomar posesión do seu cargo, a Sra. Prado Cores formula xuramento, de viva voz, co seguinte texto: "Prometo pola miña conciencia e honor, cumprir fielmente coas obrigas do cargo de Concelleira da Coporación Municipal de Cambados, con lealtade ó Rei, e gardar e facer gardar a Constitución, como norma fundamental do Estado" Rematada a súa intervención, a Sra. Prado Cores, a quen felicita o Sr. Alcalde en nome da Corporación, procede a ocupar o seu posto de Concelleira a tódolos efectos.

DILIXENCIA.- Para facer constar que o longo do debate do punto seguinte incorpórase á sesión o Concelleiro D. Manuel Angel Giráldez Oubiña.

3º.- APROBACIÓN DEFINITIVA DA CONTA XERAL CORRESPONDENTE AO EXERCICIO 2012.- Dase conta da proposta da Alcaldía na que se recolle que:= "Rendida a Conta Xeral correspondente ó exercicio económico de 2012, foi sometida a ditame da Comisión Especial de Contas, que na súa sesión do 29/05/2013 emitiu ditame favorable.= Exposta ó público durante quince días hábiles e oito máis, que remataron o 05/07/2013 non se formulou contra a mesma reclamación ou observación algunha, segundo se recolle na



correspondente certificación que obra no expediente.= Na súa consecuencia, e segundo se establece no referido ditame, procede elevala directamente ó Pleno, para a súa aprobación definitiva, sen necesidade de novo ditame; por elo, e cumpríndose con todo o establecido, esta Presidencia proponlle ó Pleno da Corporación, teña a ben adopta-lo seguinte acordo:= Aprobar definitivamente a Conta Xeral correspondente ó exercicio económico de 2012, e que se remita ó Consello de Contas da Comunidade Autónoma Galega en cumprimento do establecido ó respecto.”

Rematada a lectura, intervén a Concelleira do P.S.deG.-PSOE, Sra. Martínez Piñeiro para manifestar que a pesar do superavit o seu Grupo vai votar en contra porque as contas non reflexan a austeridade da que presume o grupo de goberno, son a continuidade do orzamento anterior; os gastos de persoal están a sangrar ó Concello (e agardan que a RPT por fin se remate este ano), faltan máis recursos para educación, sanidade, etc.; dende o seu punto de vista son excesivas as cantidades adicadas a protocolo; a inversión por habitante volve a caer por terceiro ano consecutivo; e deben terse en conta tamén os reparos de intervención en relación, entre outros asuntos, cos gastos da Estación Náutica e coas cantidades destinadas a produtividade e horas extras, que lles parecen de todo punto inxustificables.


Pola súa parte o Portavoz do B.N.G., Sr. Caamaño Rivas, di que semella que como de costume, na Conta Xeral 2012 non hai moitas novidades con respecto a outros anos, e dado que xa no seu momento non apoiaron o orzamento correspondente a dito exercicio, logo de consultar o documento, non ven motivos para facelo agora.= Di tamén que as Contas Xerais son moito máis ca números, son cantidades con contido que mostran a forma de xestionar e gobernar o concello, e o que transcende deste documento non deixa ben parado ao PP, pois os números son interpretables pero outras cousas non; por elo o seu Grupo leva criticando a falta de previsión dos consecutivos orzamentos que queda logo de manifesto nas sucesivas Contas como a presente, na que, por exemplo, se prevén ingresos por 9.150.143 €, logo se aproban 7.988.129 € e finalmente se recadan 7.430.252 €, o que non daría para pagar todo o gasto aprobado, dando lugar a un déficit.= Que a recadación agardada foi menor do esperado en case todas as partidas (-1.162.013 €), o que indica que a previsión en todos estes apartados foi moi deficiente, razón pola que quedaron pagos por realizar, por valor de aproximadamente un 10% do orzamento inicial (811.054 €).= Ademais, estase a falar dunha obra exclusiva do PP, onde non se introduce ningunha proposta do BNG, nin se dan explicacións para que poidan asumirse ou comprenderse con claridade as repetitivas e inaceptables irregularidades e ilegalidades, a maioría das cales se repiten consecutivamente todos os anos e o PP non fai nada para solucionalo, como por exemplo os cobros de gratificacións (sempre para as mesmas persoas, sempre nas mesmas cantidades: “*en realidade non é unha gratificación, é un soldo*”. Máximo legal: 80 horas/ano, mentres que no concello rondan as 300 horas anuais); os complementos de produtividade sen que existan criterios obxectivos (o que significa complementos para os mesmos traballadores todos os meses), e supoña a final de ano que a partida presente un déficit de -5.600 €.; seguen as irregularidades nas contratacións de persoal temporal (non suficientemente xustificadas e prorrogadas ilegalmente: “*se este persoal quere, podería esixir un contrato indefinido; que pasaría cos contratos destes traballadores - colocados a dedo polo PP- se houbera un cambio político no goberno municipal? Canto lle custarían ao concello as indemnizacións?*”); Asesor Xurídico, Arqueólogo, ...: páganselle soldos en formato de facturas con categoría de pago preferencial aínda que haxa obrigas anteriores, e tería graza que apoiaran estas contas cando non se lles facilitou información sobre o “traballo real e concreto” que fai o asesor xurídico no concello (8 meses





Ilmo Concello de
CAMBADOS
(Pontevedra)

de preguntas para non ser contestadas nin acudindo ao Valedor e para transformalo irregularmente en indefinido, a pesar do reparo de intervención, e co agravante de que se trata dunha designación de natureza política.= Que o concello non é propiedade do PP e polo tanto non pode, nin debe, contratar a dedo aos traballadores e despois facelos fixos.= - Irregularidades nos pagos de facturas por valor total superior a 700.000€, sen entenderse que se facture de xeito irregular cousas tan previsibles como a Cabalgata de reis (14.600 €), os torneos deportivos anuais como a milla urbana, torneo de xadrez ... (9.100 €), actuacións do Albariño (54.280 €, 17.990 €, 11.392 €), preguntándose onde está a planificación que se presupoñía no orzamento?.= - Irregularidades nas contratacións de servizos que deberían ser consideradas contratos menores (+18.000 €) é polo tanto sería necesario realizar un procedemento de contratación pública, que non se fai con determinadas empresas: Sercon (60.000 €), CEPESA, Establecementos Otero, polo que coida que a transparencia é máis ben pouca.= - Irregularidades en facturas onde se fixo unha contratación verbal e, polo tanto, ilegal por ser un contrato menor, onde non consta o orzamento, nin aprobación previa de gasto, nin sinatura do técnico municipal.= Di tamén que ademais de non apoiar no seu momento os orzamentos correspondentes a esta Conta, tampouco apoiaron ao longo do ano 2012 cuestións que consideraron exemplos da mala xestión e que hoxe forman parte deste documento que se pretende aprobar, como é o caso dos diferentes recoñecementos extraxudiciais por un total de 314.835 €, por considerar que son un exemplo máis da improvisación coa que se executan os orzamentos, rondando todos os anos unhas cantidades semellantes a pesar de que o orzamento cada ano é menor o que significaría que co paso dos anos, a planificación que se fai neste concello é máis precaria.= Segue a dicir que estas Contas reflicten actuacións imposibles de aceptar, e a interpretación que fai o BNG delas non deixa en bo lugar ao grupo de goberno, pois non se trata a todos por igual, en prexuízo das arcas do concello.= Alleamento parcela polígono. Respecto aos dereitos recoñecidos pendentes de cobro dos exercicios 2001, 2002, procedentes do alleamento de parcelas do Polígono Industrial de Sete Pías (114.369 €, pregunta que actuacións realizou ou vai a realizar o concello nestes casos, pois segue sen ser contestada despois de moitos anos, e segundo Intervención: ...o que non pode continuar é a inacción deste Concello, sobre todo porque os referidos dereitos continúan pendentes de ingreso á Facenda municipal, debendo realizarse as actuacións necesarias para o seu ingreso, pois en caso contrario menoscabárase a Facenda municipal coa correspondente responsabilidade por tal actuación.= Que se está a falar dunha cantidade importante que viría moi ben para as mermadas arcas municipais, e pregunta se non se pensa solucionar este asunto, qué se fixo ata o de agora, qué se vai facer de cara ao futuro, cómo pensa solucionar o Concello esta situación definitivamente, e quen son os propietarios destas parcelas.= En relación coas Reservas Nave Loxística, están pendentes de cobrar a empresas adjudicatarias (reincidentes): Vicar SL (23.614 €), Forvi S.G.C. (21.371 €), Transportes Núñez Sayar (12.040 €) e elo non se entende cando o contrato di que as tarifas aboaranse por mensualidades anticipadas.= No caso de Aspir Center (13.373 €), renunciou ao espazo pero non pagou, preguntando por qué non se lle esixe o pago da débeda vía xudicial.= En relación coa Piscina Municipal pregunta para cando a prometida regulación do contrato e que deixe de ser unha sangría económica para o concello.= En relación co soterramento do transformador, esta pendente de Ingreso da Xunta 42.044 €, e coida que pode existir perigo de posible prescrición (4 anos) preguntando a qué se agarda para esixir o pago.= En relación coa Carpa do Albariño, o concurso quedou deserto por 30.000 € pero se concedeu dende o seu punto de vista de xeito irregular por 18.000 € vulnerando os principios de publicidade e competencia,



preguntando por qué non se lle ofertou e ese prezo a diferentes empresas.= En relación coa Estación náutica Rías Baixas, lles parece un “tímo” pagado con cartos públicos, segundo a documentación existente, dende o seu punto de vista un expediente “chapuceiro”, o concello asume a obriga de pagar 6.326 € a unha entidade privada sen recibir contraprestación ningunha, preguntándose se é que ao concello lles sobran os cartos.= Por último manifesta que tampouco están de acordo co custo da páxina web “publicitaria” do concello (42.000 €) pois entenden que con *eses cartos poderíanse facer tres coma esa*, nin entenden como se poden gastar 9.000 € na Cope.= Remata dicindo que, por todo elo, e como xa dixo ao comezo, coidan que as Contas dun concello son moito máis ca números, pois reflicten sobre todo, a forma de xestionar o concello e concretamente as Contas que se presentan deixan en evidencia a lamentable xestión que está a facer o PP no concello de Cambados.

Rematada a súa intervención, toma a palabra o Sr. Alcalde para dicir que o P.S.deG.-PSOE falaba de continuidade no orzamento e iso é así porque coidan que a Cambados favorécelle, e comparativamente con outros Concellos de similares características pode dicirse que este adica máis fondos a servizos sociais, deporte, cultura, etc., pilares fundamentais para un pobo, chegando nalgúns casos a triplicar as súas consignacións orzamentarias con respecto a estes.= Invita aos membros da corporación a facer unha comparativa e manifesta con respecto á RPT que estará rematada dentro deste ano, pois está modificándose para adaptala á realidade e solucionar moitos dos problemas apuntados (xubilacións, nocturnidade, produtividade da policía local e doutros postos, etc.).= No referente aos gastos do Capítulo I, que ronda o 35% do orzamento total, coida que son moi poucos os Concellos cunha porcentaxe tan baixa, poñendo como exemplo un concello moi próximo con moitos máis gastos nesa materia.= Di tamén que, se ben noutros Concellos baixan tamén as inversións, ese non é o caso de Cambados pois obras como a das comportas, saco de fefiñáns, nave usos múltiples en Tragove, etc., van a facerse igual aínda que non figuren nos orzamentos, toda vez que non precisan de financiación municipal, o que coida debería valorarse moi positivamente por parte dos grupos da oposición ó ser froito dunha boa xestión municipal que conseguiu outras fontes de financiación.= Con respecto á Estación Náutica lembra que o Concello, o igual Sanxenxo e O Grove, asinaron no seu día un convenio fixándose como aportación anual uns 2.000 €, non embargante, por causas alleas aos concellos, a Fundación Náutica Rías Baixas non liquidou os recibos correspondentes ás tres anualidades, razón pola que procedía aboalos agora todos xuntos, ou tería que darse de baixa.= Que se ben é Sanxenxo o maior beneficiario directo non deixa de ser certo tamén que as actuacións que se leven a cabo repercutirán moi positivamente en Cambados, por elo e aínda a pesar do lóxico reparo, a Intervención recoñeceu que esta actuación supón un beneficio para esta vila ó aumentar o número de visitantes.= En canto ás propostas, o grupo de goberno está aberto as iniciativas que se lle propoñan e non é certo que non se atendan.= No relativo aos reparos, non son moitos, tendo en conta o volume do Concello, nin se trata de ilegalidades, e antes de levantalos sempre o consulta con Intervención.= No relativo ó Asesor, coidouse que esta era a mellor opción tendo en conta as contías ás que se elevaban os pleitos e o feito de que a praza xa estaba creada, e no caso de que saía a praza terase que ir.= Que, en definitiva o grupo de goberno está orgulloso do orzamento pois: cerrouse cun resultado líquido de tesourería de máis de 336.000€; o Concello novamente non precisou adherirse á convocatoria do Estado para acudir ó crédito; estase pagando cunha media de 52 días; a capacidade de endebedamento está ó 50%, máis baixa que hai dous (55%), é un dos concellos da Comarca





Ilmo Concello de
CAMBADOS
(Pontevedra)

do Salnés con menor débeda, segundo se recollía en prensa non hai moito tempo; e, os pilares básicos están cubertos.

Por parte do Portavoz do B.N.G., Sr. Caamaño Rivas solicita que se convoque unha comisión previa para tratar as bolsas de ensino.= En canto á Estación Náutica considera que é necesario saber, con datos na man, o que está pagado e o que está por pagar.= Que a función do Concello é cubrir as necesidades dos veciños e veciñas de Cambados; e, con respecto á R.P.T. lembra que xa no seu momento non era realista, e que o que non ten que ser e que a praza de Asesor se cubra sen convocar concurso.

Polo Sr. Alcalde reiterase que ser socios da Estación Náutica beneficiaba ao Concello de cara os Proxecto NEA dos que se recibiron 36.000 € para unha inversión de 40.000€.= Que non é certo que a páxina web custara 42.000 €, porque nese importe incluíanse tamén videos e copias, así como cursos e charlas aos hosteleiros, entre elas a que realizou o profesor Domènec Biosca.= E por último lembra que son uns bos orzamentos e a 31 de decembro pasado o Concello tiña un saldo a favor por importe de 336.000€ e só un 35% do orzamento adicado a persoal.

O Portavoz do B.N.G., Sr. Caamaño Rivas, propón que documentos como este poidan ser consultados na web.

Rematadas as intervencións, sométese o asunto a votación, acadándose o seguinte resultado:


- Votos a favor: dez (Sres.: Cores Chaves, Martínez Eiras, Varela Piñeiro, Iglesias Pombo, Bea Troncoso, Pomares Botana, Gómez Blanco, Oubiña Santos, Quintáns Cores e Sr. Alcalde).
- Votos en contra: seis (Sres.: Caamaño Rivas, Cacabelos Dominguez, Prado Cores, Abal Roma, Martínez Piñeiro e Giráldez Oubiña).
- Abstencións: ningunha.

A Corporación Municipal, por maioría acorda aprobar definitivamente a Conta Xeral correspondente ó exercicio económico de 2012, e que se remita ó Consello de Contas da Comunidade Autónoma Galega en cumprimento do establecido ó respecto.

4º.- DAR CONTA DOS INFORMES DE INTERVENCION E TESOURERIA RELATIVOS AOS CUMPRIMENTO DO DISPOSTO NA LEI 15/2012, POLA QUE SE ESTABLECEN MEDIDAS CONTRA A MOROSIDADE NAS OPERACIÓNS COMERCIAIS – 2/2013.- Dase conta da Proposta da Alcaldía pola que, á vista dos informes da Intervención e Tesourería municipais emitidos en cumprimento do disposto na Lei 15/2010, de 5 de xullo, de modificación da Lei 3/2004, de 29 de decembro, pola que se establecen medidas de loita contra a morosidade nas operacións comerciais, correspondentes ó segundo trimestre do exercicio 2013, proponse ó Pleno adopte acordo no sentido de terse por enterado dos informes emitidos.

A Corporación Municipal, por unanimidade, acorda darse por enterada dos informes da Intervención e Tesourería Municipais, relativos ao cumprimento do disposto na Lei 15/2012, pola que se establecen medidas contra a morosidade nas operacións comerciais.-

APROBACION INICIAL, SE PROCEDE, DA ORDENANZA MUNICIPAL REGULADORA DO SERVIZO DE AXUDA NO FOGAR.- Dase conta da seguinte



proposta de Alcaldía, informada favorablemente pola Comisión Informativa de Réximen Interior e Persoal, en reunión celebrada o día 28 do corrente mes:” A ordenanza reguladora consiste na ordenación do Servizo de Axuda no fogar, adaptándoo á nova normativa, concretamente ó Decreto 254/2011 de 23 de decembro e ó Decreto 99/2012 de 16 de marzo.= No uso das atribucións que confiren o artigo 49 da lei 7/85, de 2 de abril e consonte o artigo 22.2 da Lei 7/1985, de 2 de abril, Reguladora das Bases de Réxime Local, propoño ao Comisión Informativa que dictamine favorablemente o seguinte acordo:= Primeiro.- Aprobar inicialmente a ordenanza reguladora do Servizo de Axuda no Fogar, cuxo texto se une como anexo.= Segundo: Someter o expediente a información pública e audiencia ós interesados polo prazo de trinta días hábiles para a presentación de reclamacións e suxerencias, prazo que comenará a partir do día seguinte ó da publicación do anuncio no BOP. Deberá publicarse así mesmo no Taboleiro de anuncios do Concello. No caso de que se presenten reclamacións ou suxerencias dentro de prazo as mesmas deberán ser resoltas polo Pleno, debendo aprobarse definitivamente as ordenanzas.= Terceiro: No caso de que non se presentase ningua reclamación ou suxerencia entederase definitivamente adoptado o acordo ata entón provisional. Para a entrada en vigor deberá publicarse integramente o texto definitivamente aprobado no BOP.”

Rematada a lectura toma a palabra a Portavoz do P.S.deG.-PSOE, Sra. Abal Roma para manifestar que é de obrigado cumprimento adaptar a Ordenanza á nova lexislación, e que se ben non están de acordo na súa totalidade co Decreto e coidando que os recortes sociais non son bós, van votar a favor por tratarse dun trámite de obrigado cumprimento e co fin de que os usuarios paguen o mínimo posible.

Pola súa parte a Concelleira do B.N.G., Sra. Cacabelos Domínguez, di que son conscientes da necesidade que existe de adaptar a normativa de axuda no fogar ao novo Decreto da Xunta, pero van absterse porque supón unha serie de recortes cunha forte incidencia para os usuarios, especialmente no caso de persoas con mobilidade reducida, colectivo que coidan especialmente vulnerable e polo tanto a protexer.


Rematadas as intervencións, sométese o asunto a votación, acadándose o seguinte resultado:

- Votos a favor: trece (Sres.: Cores Chaves, Martínez Eiras, Varela Piñeiro, Iglesias Pombo, Bea Troncoso, Pomares Botana, Gómez Blanco, Oubiña Santos, Quintáns Cores, Abal Roma, Martínez Piñeiro, Giráldez Oubiña e Sr. Alcalde).
- Votos en contra: ningún
- Abstencións: tres (Sres.: Caamaño Rivas, Cacabelos Domínguez e Prado Cores).

A Corporación Municipal, por maioría acorda:

Primeiro.- Aprobar inicialmente a ordenanza reguladora do Servizo de Axuda no Fogar, cuxo texto se une como anexo.

Segundo: Someter o expediente a información pública e audiencia ós interesados polo prazo de trinta días hábiles para a presentación de reclamacións e suxerencias, prazo que comenará a partir do día seguinte ó da publicación do anuncio no BOP. Deberá publicarse así mesmo no Taboleiro de anuncios do Concello. No caso de que se presenten reclamacións ou suxerencias dentro de prazo as mesmas deberán ser resoltas polo Pleno, debendo aprobarse definitivamente as ordenanzas; e,





Ilmo Concello de
CAMBADOS
(Pontevedra)

Terceiro: No caso de que non se presentase ningua reclamación ou suxerencia entederase definitivamente adoptado o acordo ata entón provisional. Para a entrada en vigor deberá publicarse integramente o texto definitivamente aprobado no BOP.

“ORDENANZA MUNICIPAL DO SERVIZO DE AXUDA NO FOGAR DO CONCELLO DE CAMBADOS.- EXPOSICION DE MOTIVOS.- A Lei 711985, de 2 de abril, reguladora das bases de Rexime Local (BOE nº 80, do 3 de abril de 1985), establece no seu artigo 25.2 k) que os concellos exercerán, en todo caso, competencias nos termos da lexislación do Estado e das Comunidades Autonomas en materia de prestación de servizos sociais e de promoción e reinserción social.= A Lei 1312008, de 3 de decembro, de servizos sociais de Galicia, regula o dereito de todas as persons aos servizos sociais, correspondéndolles, aos poderes publicos, garantir este dereito, posibilitando así que as liberdades e igualdades entre individuos sexan reais e efectivas, tal e como consagra a propia Constitución Española.= A Lei 1312008, de 3 de decembro, de servizos sociais de Galicia, establece no seu capítulo II, o catálogo de servizos sociais, onde define o servizo de axuda no fogar coma un servizo consistente en ofrecerlles un conxunto de atencións ás persoas ou familias no seu propio domicilio, para facilitar o seu desenvolvemento e permanencia no seu contorno habitual. Esta mesma lei establece no seu artigo 11.f) que é función dos servizos sociais comunitarios básicos a xestión da axuda no fogar.= Coa entrada en vigor da Lei 3912006, de 14 de decembro, de Promoción da Autonomía Persoal e Atención ás persoas en situación de dependencia, así coma a normativa estatal e galega que a desenvolve, fíxose necesario establecer un novo marco regulador de carácter básico dos contidos, formas de prestación e aspectos procedimentais e organizativos de axuda no fogar de maneira que coa aprobación da Orde do 22 de xaneiro de 2009 pola que se regula o servizo de axuda no fogar, se estableceron pautas de carácter xeral para asegurar un nivel equitativo de atención a todas as persoas que tiñan limitada a súa autonomía persoal.= O Decreto 25412011, do 23 de decembro, polo que se regula o réxime de rexistro, autorización, acreditación e a inspección dos servizos sociais en Galicia, establece no seu artigo 7.b) como requisito xeral dos centros e programas de servizos sociais, dispoñer dunhas normas de funcionamento, visadas polo Organo competente, en materia de autorización e inspección de servizos sociais, da Xunta de Galicia, que garanta o respecto ao dereito das persoas usuarias e establezan as condicións de prestación e desenvolvemento dos servizos.= Coa aprobación e publicación do Decreto 9912012, do 16 de marzo, polo que se regulan os servizos sociais comunitarios e o seu financiamento, fíxose necesario adaptar a normativa municipal existente en materia de axuda no fogar co fin de dar cumprimento ao establecido na disposición derradeira primeira do citado decreto.= En consecuencia e coa finalidade de garantir unha equidade, calidade e intensidade homoxeneas nos tipos de atención e os criterios de participación económica das persoas usuarias, o Concello de Cambados, de conformidade co marco normativo referenciado que confire aos concellos a potestade regulamentaria, e de autoorganización dentro da esfera das súas competencias, regula os requisitos e condicións da prestación do servizo de axuda no fogar municipal, a través da presente ordenanza.=

CAPITULO I: DISPOSICIÓNS XERAIS.-Artigo 1º.- **Obxecto.= E obxecto desta ordenanza a regulación do servizo de axuda no fogar desenvolvido polo Concello de Cambados.= **Artigo 2º.-** **Ambito de aplicación.**= O establecido nesta ordenanza e de aplicación ao servizo de axuda no fogar que se desenvolve no Concello de Cambados.= **Artigo 3º.-** **Interpretación.**= A interpretación deste regulamento é competencia dos órganos de goberno deste Concello.= **Artigo 4º.-** **Competencias.**= Correspóndelle ao Concello o desenvolvemento das seguintes funcións: planificación, programación e dirección técnica do servizo, coordinación, seguimento, supervisión e control do SAF, análise, avaliación e aprobación das altas e baixas do servizo.= **Artigo 5º.-** **Natureza, definición e obxectivos do servizo.**= 1.- O servizo de axuda no fogar é un servizo público de carácter local, consistente en ofrecer un conxunto de atencións ás persoas ou unidades de convivencia no propio domicilio, para facilitar o seu desenvolvemento e a permanencia no seu contorno habitual.= 2.- O servizo de axuda no fogar poderá prestarse a calquera persoa ou unidade de convivencia, para as tales, de acordo coa**



valoración técnica correspondente, supoña un recurso idóneo de atención. De xeito particular, o servizo atenderá persoas maiores con déficits de autonomía e persoas con discapacidade, especialmente cando carezan de apoio persoal no seu medio inmediato.= 3.= O servizo de axuda no fogar ten por obxecto prestar un conxunto de atencións ás persoas no seu domicilio, dende unha perspectiva integral e normalizadora, naquelas situacións en que teñan limitada a súa autonomía persoal ou nos casos de desestructuración familiar.= Son obxectivos do servizo de axuda no fogar:= a) Mellorar a calidade de vida das persoas usuarias.= b) Posibilitar a permanencia das persoas no seu contorno de convivencia habitual.= c) Favorecer e potenciar a autonomía persoal no propio domicilio.= d) Manter, mellorar e recuperar as redes de relación familiar e social.= e) Previr situacións de dependencia ou exclusión social.= f) Retardar ou evitar a institucionalización.= g) Reforzar a solidariedade e potenciar o voluntariado social.= **Artigo 6º.- Contido do servizo.**= 1. De conformidade coa valoración técnica realizada en cada caso polos servizos sociais, no marco do servizo de axuda no fogar poderán prestarse os seguintes tipos de atención de carácter básico:= a. Atencións de carácter persoal na realización das actividades básicas da vida diaria, tales como:= I. Asistencia para levantarse e deitarse.= II. Apoio no coidado e hixiene persoal, así como para vestirse.= III. Control do réxime alimentario e axuda, se é o caso, para alimentarse.= IV. Supervisión, cando proceda, das rutinas de administración de medicamentos prescritas por facultativos.= V. Apoio para cambios posturais, mobilizacións, orientación espacio-temporal.= VI. Apoio a persoas afectadas por problemas de incontinencia.= b. Atencións de carácter persoal na realización doutras actividades da vida diaria, tales como:= I. Acompañamento fora do fogar para acudir a consultas ou tratamentos.= II. Apoio na realización de xestións necesarias e urxentes.= c. Atención das necesidades de carácter doméstico e da vivenda, tales como: I. Limpeza e mantemento da hixiene e salubridade da vivenda.= II. Compra de alimentos e outros produtos de uso común.= III. Preparación dos alimentos.= IV. Lavado e coidado das prendas de vestir.= V. Coidados básicos da vivenda.= Este tipo de atención podera ser facilitado en parte, se é o caso, por programas específicos de lavandaría ou alimentación a domicilio.= d. Atencións de carácter psicosocial e educativo: intervencións técnico-profesionais formativas e de apoio ao desenvolvemento das capacidades persoais, a afectividade, a convivencia e a integración na comunidade así como a mellora da estruturación familiar.= 2. Con carácter complementario, o servizo de axuda no fogar poderá incorporar, entre outros, os seguintes tipos de atención:= a. Actividades de acompañamento, socialización e desenvolvemento de hábitos saudables.= b. Prestación de atención a distancia mediante dispositivos de teleseguimento, teleasistencia e similares.= c. Adaptacións funcionais do fogar.= d. Servizo de podoloxía.= e. Servizo de fisioterapia.= f. Servizo de empréstito de axudas técnicas para persoas en situación de dependencia ou dependencia temporal. Para estes efectos enténdese por axuda técnica calquera produto, dispositivo, equipamento, instrumento, tecnoloxía ou software, fabricado especialmente ou dispoñible no mercado para previr, compensar, controlar, mitigar ou neutralizar deficiencias ou limitacións na actividade e restricións na participación social das persoas.= 3. Poderán integrarse, ademais, dentro do servizo de axuda no fogar, determinadas atencións e actividades que se desenvolvan fora do marco do domicilio da persoa usuaria, sempre que, de acordo coa prescripción técnica sobre o contido do servizo, incidan de maneira significativa na posibilidade de permanencia no fogar e na mellora da autonomía e calidade de vida.= 4. En todo caso, as atencións prestadas terán un carácter de reforzo e non substitutivo das propias capacidades da persoa usuaria ou doutras persoas do seu contorno inmediato, de maneira que se facilite e promova a súa autonomía.= 5. En ningún caso poderán formar parte das actuacións desenvolvidas polo servizo:= a. A realización de actividades domésticas, que non fosen incluídas no proxecto de intervención e no acordo de servizo.= Actuacións, que polo seu carácter sanitario, deban en todo caso, ser realizadas por persoal facultativo.=


Artigo 7º: Persoal do Servizo.= * Traballador/a Social como responsable técnico do servizo.= * Auxiliares de Axuda no fogar que prestan atención directa nos domicilios das persoas usuarias, que, no caso de atender a persoas afectadas por déficit de autonomía deberá estar en posesión do título de formación profesional de grao medio de atención sociosanitaria ou equivalente, regulado no Real Decreto 496/2003, do 2 de maio, ou en posesión do certificado de profesionalidade de atención





Ilmo Concello de
CAMBADOS
(Pontevedra)

sociosanitaria a persoas no domicilio ou equivalente, regulado no Real Decreto 1379/2008, do 1 de agosto, polo que se establecen os certificados de profesionalidade da familia profesional de servizos socioculturais e á comunidade.= * Outros profesionais para a prestación de servizos complementarios.= * Voluntariado.= **Artigo 8º. - Persoas destinatarias.**= 1. O servizo de axuda no fogar estará aberto a todas as persoas ou unidades de convivencia para as que, de acordo coa valoración técnica correspondente, supoña un recurso idóneo de atención. De xeito particular, o servizo atenderá persoas maiores con déficits de autonomía e persoas con discapacidade, especialmente cando carezan de apoio persoal no seu contorno inmediato, así como fogares con menores, en que se observe a necesidade dunha intervención de carácter socioeducativo. Tamén poderá dar unha resposta preventiva e socializadora a diversas situacións de familias en risco de exclusión social.= 2. En todo caso, darase prioridade de acceso ao servizo ás persoas que teñan un dereito recoñecido de atención dentro do sistema de autonomía e atención á dependencia.= **Artigo 9º. - Dereitos das persoas usuarias.**= As persoas usuarias do servizo, no marco dos dereitos que con carácter xeral se lle recoñecen na lexislación aplicable sobre servizos sociais e, se é o caso, sobre o procedemento administrativo común, teñen dereito:= 1. A ser tratadas co respecto debido á súa dignidade, intimidade e autonomía.= 2. A acceder e utilizar o servizo en condicións de igualdade e non discriminación.= 3. A recibir unha atención individualizada e adaptada ás súas necesidades, coa calidade e duración determinadas en cada caso.= 4. A recibir unha información de xeito áxil, suficiente, veraz e comprensible sobre os recursos e as prestacións do sistema galego de servizos sociais, así como a que sexan asistidas e orientadas nos trámites necesarios de cara ao seu acceso aos demais sistemas de benestar social.= 5. A ter asignada unha persoa profesional de referencia que actúe como interlocutora principal e que asegure a coherencia da intervención.= 6. A coñecer a organización e o regulamento do servizo.= 7. Ao tratamento confidencial dos seus datos, de acordo co disposto na Lei orgánica 15/1999, do 13 de decembro, de protección de datos de carácter persoal.= 8. A coñecer a situación do seu expediente.= 9. A ser informadas, de xeito claro e preciso, sobre a intervención prevista e elixir libremente, dentro da capacidade de oferta do sistema e logo da valoración técnica, o tipo de medidas ou de recursos axeitados para o seu caso, así como a participar na toma de decisións que modifiquen o proceso de intervención acordado.= 10. Á calidade dos servizos recibidos e a presentar queixas e suxestións á persoa coordinadora do servizo.= 11. Ao respecto dos seus dereitos lingüísticos, garantindo, en todo caso, o desenvolvemento da actividade do servizo dende a práctica dunha oferta positiva do idioma galego.= **Artigo 10º. - Deberes das persoas usuarias.**= As persoas usuarias, no marco dos deberes que con carácter xeral se establecen no artigo 7 da Lei 13/2008, de servizos sociais de Galicia, e, se é o caso, na lexislación vixente sobre o procedemento administrativo común, terán os seguintes deberes:= 1. Cumprir as normas, requisitos e procedementos para o acceso aos diferentes servizos.= 2. Facilitar a información precisa e veraz sobre as circunstancias determinantes para a acceso e utilización dos servizos, así como comunicar ao persoal de referencia, os cambios de circunstancias familiares, sociais ou financeiras que puideran resultar relevantes na asignación, modificación, suspensión ou extinción das prestacións ou servizos.= 3. Cumprir coas condicións do servizo, facilitando e colaborando na execución das tarefas do persoal ao seu cargo e poñendo á súa disposición, cando se trate dun servizo realizado no domicilio, os medios materiais necesarios.= 4. Colaborar co persoal encargado do seu caso, acudindo ás entrevistas programadas, seguindo as orientacións e participando no desenvolvemento das actividades incluídas no servizo, centro ou programa en función das súas capacidades e nos termos acordados en cada caso.= 5. Manter unha actitude positiva de colaboración coas persoas profesionais dos servizos sociais comunitarios, participando activamente no proceso pautado de mellora, autonomía persoal e inserción social.= 6. Facilitar e cooperar no seguimento, avaliación e inspección do servizo.= 7. Respetar a dignidade persoal e profesional das persoas que lles presten o servizo, así como respetar os límites das súas obrigas laborais.= 8. A comunicar, con dez días de antelación, en circunstancias ordinarias e previas, calquera ausencia temporal que puidese impedir ou dificultar a execución dos servizos que, se fose o caso, se prestasen no seu domicilio.= 9. Participar no pagamento do servizo nos termos que



se estableza na súa norma reguladora.= **Artigo 11º.- Deberes xerais do persoal do servizo.**= O trato será sempre de respecto, evitando que a confianza coa persoa usuaria e a súa familia interfira no traballo.= Respetará a intimidade da persoa usuaria e gardará a debida confidencialidade.= Deberes do/a auxiliar de axuda no fogar:= 1. A/o auxiliar non debe facer participe as persoas usuarias e a familia destas, dos seus propios problemas, separando todo o posible a súa vida privada do seu traballo.= 2. Non se poderá acudir ao lugar de traballo acompañados de persoas alleas ao servizo.= 3. Non se poderá recibir en custodia cartos, xoias nin obxectos.= 4. Non se permite recibir ningún tipo de prestación/bonificación por parte da persoa usuaria á/o auxiliar de axuda no fogar (cartos, regalos,...).= 5. Non se disporá das chaves de ningún domicilio salvo autorización por escrito da persoa usuaria.= 6. En caso de ausencia ao traballo deberá comunicalo coa maior antelación posible, tras a autorizaci3n do xefe de persoal, ao usuario e ao xefe de servizo.= **Artigo 12º.- Causas de extinción e modificación do servizo.**- 1. Son causas de extinción do servizo de axuda no fogar, as seguintes:= a. A renuncia da persoa usuaria.= b. O cambio de programa individual de atención ou do proxecto de intervención que implique un cambio de asignación de recurso e a súa incompatibilidade co servizo de axuda no fogar.= c. Traslado definitivo da súa residencia a outro concello.= d. Falecemento da persoa usuaria.= e. Incumprimento reiterado dos deberes e obrigas establecidas para as persoas usuarias na prestación do servizo.= f. A falta reiterada de pagamento do servizo.= g. Desaparición das causas que motivaron a prestación do servizo.= h. Falseamento, ocultación de datos ou de documentación.= i. As persoas dependentes valoradas que, polo calendario oficial de implantación, teñan dereito á prestación efectiva pola vía de acceso directo do sistema de dependencia incluídas no PAR de SAF non poderán acceder ou continuar polo sistema de libre concurrencia.= 2. Ademais, con carácter xeral, a alteración das circunstancias tidas en conta para a concesión do servizo, poderá dar lugar a modificación das condicións de prestación nas que fora concedido inicialmente. Os cambios de circunstancias, en calquera caso, deberán substanciarse no expediente individual, mediante un novo informe social.= 3. Cando se trate dun servizo público de axuda no fogar, asignado a persoas en situación de dependencia, na correspondente resolución de Programa Individual de Atención, consonte ao establecido na Orde de 2 de xaneiro de 2012, de desenvolvemento do Decreto 15/2010, do 4 de febreiro, polo que se regula o procedemento para o recoñecemento do sistema para a Autonomía e Atención á Dependencia, o procedemento para a elaboración do Programa Individual de Atención e a organización e funcionamento dos órganos técnicos competentes, modificado polo Decreto 148/2011, do 7 de xullo, a incoación por parte da entidade titular do servizo, dun expediente de extinción ou modificación das condicións de prestación do servizo, deberá notificarse en todo caso ao órgano competente para ditar resolución de Programa Individual de Atención.= **Artigo 13º.- Causas de suspensión temporal do servizo.**- Son causa de suspensión temporal do servizo, logo de tramitación do correspondente expediente e informe razoado do persoal técnico coordinador do servizo, que deberá incorporarse ao expediente persoal, as que seguen:= 1. Ausencia temporal do domicilio: neste caso o servizo poderá suspenderse por un máximo de dous meses para persoas en situación de dependencia e tres meses por libre concurrencia, debendo acreditar a persoa usuaria as causas que motivan a súa ausencia.= 2. Modificación temporal das causas que motivaron a necesidade do servizo: poderá suspenderse o servizo en tanto persista o cambio de circunstancias causante da suspensión coa excepción das prazas vinculadas a un dereito exercido dentro do sistema de autonomía e a atención á dependencia, suposto no que se estará ao disposto na correspondente normativa reguladora.

CAPITULO II. DA PRESTACION DO SERVIZO.- SECCION 1ª.- DISPOSICI3NS

COMÚNS.- Artigo 14º.- Formas de prestación do servizo.- O servizo público de axuda no fogar será prestado polo concello de Cambados ben directamente, ou ben mediante as diversas modalidades de contratación da xestión de servizos públicos, regulados na normativa vixente sobre contratos do sector público, a través de entidades privadas debidamente autorizadas.= **Artigo 15º.-**

Requisitos específicos.- 1.Existirá un profesional de referencia, que actuará como coordinador do servizo e que deberá estar en posesión dunha cualificación mínima de diplomatura universitaria en






Ilmo Concello de
CAMBADOS
(Pontevedra)

Traballo Social. No caso de que o número de persoas usuarias sexa menor de 50, o persoal técnico mínimo exixible será de 0,02 profesionais en cómputo de xornada completa por persoa usuaria. Nos demais casos aplicarase a seguinte taboa:

Número de persoas usuarias	Persoal técnico mínimo
50 a 99	1 técnico/a titulado/a xornada completa
100 a 199	2 técnicos/as titulados/as a xornada completa
200 a 399	3 técnicos/as titulados/as a xornada completa
Incrementos sucesivos	Por cada grupo de 200 persoas usuarias corresponderá un incremento de 1 técnico/a titulado/a a xornada completa.

2. O persoal que presta atención directa nos domicilios das persoas usuarias estará formado por auxiliares de axuda no fogar, que, no caso de prestar o servizo a persoas en situación de dependencia valorada, deberán estar en posesión do título de formación profesional de grao medio de atención sociosanitaria ou equivalente, regulado no Real Decreto 496/2003, do 2 de maio, ou en posesión do certificado de profesionalidade de atención sociosanitaria a persoas no domicilio ou equivalente, regulado no Real Decreto 1379/2008, do 1 de agosto, polo que se establecen os certificados de profesionalidade da familia profesional de servizos socioculturais e a comunidade.= 3. O seguimento da prestación do servizo nos domicilios das persoas usuarias realizarase polo persoal coordinador, sempre que as circunstancias o fagan necesario e, como mínimo, con carácter bimestral. Da supervisión realizada quedará constancia no correspondente expediente individual. Mediante esta supervisión revisarase e axustarase, se fose o caso, o contido das prestacións expresado no proxecto de intervención e no acordo de servizo.= 4. O Concello de Cambados, e de ser o caso, a entidade prestadora en réxime privado do servizo, abrirá un expediente por cada persoa usuaria ou por cada unidade de convivencia á que presta o servizo, no cal constará, cando menos:= a. Un informe social (Anexo IV no caso de libre concorrencia), asinado por un traballador ou traballadora social da entidade titular do servizo.= b. Un proxecto de intervención, asinado polo/a traballador/a social, segundo o Anexo V desta ordenanza.= c. Un acordo de servizo asinado entre o Concello de Cambados e a persoa usuaria, segundo o Anexo VI desta ordenanza.= d. Informes de seguimento periódicos, que terán un carácter bimestral, ou extraordinarios, cando as circunstancias así o aconsellen.= En todo caso, o tratamento da información contida nos expedientes, realizarase de acordo coa Lei 1511999, do 13 de decembro, de protección de datos de carácter persoal.= **SECCION 2ª.- DA PRESTACIÓN DO SERVIZO.- Artigo 16º.- Modalidades de acceso ao servizo, organización e procedemento.-** O acceso ao servizo de axuda no fogar municipal producirase de acordo co seguinte:= 1. O acceso será prioritario e directo para as persoas que, tendo recoñecida unha situación de dependencia, se lles asigne a axuda no fogar na correspondente resolución de programa individual de atención, e consonte á aplicación do programa de asignación de recursos, establecido no título II do Decreto 15/2010, do 4 de febreiro, polo que se regula o procedemento para o recoñecemento da situación de dependencia e do dereito ás prestacións do sistema para a autonomía e atención a dependencia, o procedemento para a elaboración do programa individual de atención e a organización e funcionamento dos órganos técnicos. Para estes efectos, o concello de Cambados, cando sexa o caso, procederá a dar de alta ás persoas en agarda, de acordo coa orde de prelación establecida no programa de asignación de recursos. Unha vez se teña dispoñibilidade horaria, notificarase ao interesado (segundo o anexo VIII) para que, no prazo de dez días, comunique a súa aceptación ou renuncia ao servizo. As persoas para as




que o programa individual de atención, determine o servizo de axuda no fogar como recurso principal ou idóneo terán, en todo caso, preferencia sobre aquelas ás que se lles asigne o servizo de axuda no fogar como respiro do cuidador.= 2. Para as persoas que non teñan o reconecemento da situación de dependencia, ou non as asista o dereito de acceso efectivo ao catálogo de servizos de atención a dependencia, segundo o calendario de implantación que se establece na Lei 39/2006, o acceso ao servizo, logo da prescrición técnica do profesional de referencia resolverase en réxime de libre concorrència, segundo o seguinte procedemento:= a. Presentación da solicitude, segundo o anexo I desta ordenanza, dirixida ao Alcalde no Rexistro Municipal do Concello, acompañada da seguinte documentación:= I. Fotocopia do DNI da persoa beneficiaria do servizo e das persoas que convivan no mesmo domicilio, de ser o caso.= II. Fotocopia da tarxeta sanitaria da persoa solicitante.= III. Certificado de convivencia.= IV. Informe médico ou clínico sobre o seu estado de saúde (Anexo II).= V. Certificado de discapacidade e/ou certificado do grao e nivel de dependencia, de ser o caso.= VI. Xustificantes de ingresos da persoa solicitante e do resto dos membros da unidade de convivencia:= 1. Fotocopia da última declaración da renda, ou no seu defecto, certificado de imputacións do IRPF, expedido pola Axencia Tributaria correspondente.= 2. Certificados de todos os ingresos procedentes de salarios, pensións, subsidios e outros bens que posúan.= 3. Xustificante do pago da hipoteca ou do aluguer de vivenda, de ser o caso.= VII. Datos bancarios.= VIII. Calquera outra documentación que sexa requerida polo/a traballador/a social para a valoración do seu expediente.= En todo caso, o tratamento da información contida nos expedientes individuais, realizarase de acordo coa normativa vixente, en materia de protección de datos de carácter persoal.= As solicitudes incompletas contarán cun prazo de 10 días para enmendar deficiencias, en caso de non facelo, serán arquivadas sen máis trámite tal como se establece na lexislación que regula o procedemento administrativo.= b. As solicitudes presentadas serán valoradas polo/a traballador/a social dos servizos sociais comunitarios do Concello, que, unha vez realizada a correspondente visita domiciliaria, determinará, mediante o informe técnico, a idoneidade do servizo, así como a intensidade recomendable para cada caso concreto, tendo en conta todas as circunstancias de necesidade e a aplicación do baremo establecido a tal fin, segundo anexo III.= c. O/A Traballador/a Social dos Servizos Sociais Comunitarios elaborará un Informe-proposta que será elevado ao órgano competente para ditar resolución. O prazo máximo para resolver será de tres meses.= No caso de que sexa favorable, a mesma terá a consideración de alta no servizo. En caso de non existir dispoñibilidade, a solicitude pasará a integrarse na lista de agarda, nunha orde de prioridade determinada pola puntuación que obtivese na aplicación do baremo. No caso de empate da puntuación, atenderase por orde temporal da demanda.= d. No caso de extrema e urxente necesidade debidamente xustificada, mediante resolución motivada do Alcalde ou do membro da corporación local responsable en materia de servizos sociais, poderase iniciar de oficio a prestación do servizo de maneira inmediata, por proposta dos servizos sociais comunitarios, e sen prexuízo da posterior instrución do correspondente expediente. O procedemento de urxencia terá validez mentres se manteña a situación desencadeante. A desaparición desta, levará consigo a extinción do servizo e a tramitación pola vía ordinaria.= e. Para o inicio da prestación do servizo será requisito previo asinar o acordo de servizo, segundo o modelo establecido no anexo VI desta ordenanza (anexo III da Orde de 22 de xaneiro de 2009).= e. Anualmente, farase unha revisión de todas as persoas beneficiarias do servizo, co fin de comprobar que cumpre as condicións para a continuidade do mesmo. Para a renovación anual do servizo, as persoas beneficiarias deberán presentar a documentación establecida no apartado a) deste artigo, agás aquela que xa conste no seu expediente individual.= **Artigo 17º.- Desenvolvemento da prestación do servizo.**= 1. O prazo de alta no servizo, será coma máximo dun mes, dende que a persoa usuaria se lle asigna o recurso dende o Programa de Asignación de Recursos, con dispoñibilidade horaria por parte do concello, para as persoas que acceden ao servizo na modalidade de dependencia. Para as persoas que acceden ao servizo na modalidade de libre concorrència a prazo será dun mes dende que se dicte resolución por parte da Alcaldía. Para as persoas usuarias as que se lles concede o servizo, pola vía de urxencia, o prazo de alta será coa máxima inmediatez posible.= 2. Previo ao inicio do servizo, o persoal técnico realizará unha avaliación da





Ilmo Concello de
CAMBADOS
(Pontevedra)

situación e establecerá un consenso coa persoa usuaria, sobre as actuacións e tarefas a desenvolver no domicilio. Designarase tamén á persoa profesional de referencia.= 3. A asignación do persoal de atención directa farase en base ao perfil requerido para cada caso concreto, e realizarase unha visita domiciliar para a presentación do persoal de atención directa a persoa usuaria.= Os cambios no persoal técnico asignado, así como nos horarios de prestación do servizo, que deban efectuarse, por circunstancias de necesidades de organización do servizo, comunicaranse á persoa beneficiaria, seguindo en vigor o acordo asinado.= 4.- Para o inicio da prestación do servizo, será requisito previo, asinar o acordo de servizo, segundo o modelo establecido no anexo VI desta ordenanza.= 5. O persoal técnico elaborará un proxecto de intervención, segundo o anexo V desta ordenanza (anexo II da Orde do 22 de xaneiro de 2009), que deberá conter: días da semana de atención, horario concreto no que se desenvolverá a prestación, identidade do persoal de atención directa responsable da execución do proxecto, obxectivos e tarefas a desempeñar no domicilio, e o seguimento efectivo da prestación no domicilio do usuario, con carácter mínimo bimestral.= 6. Farase entrega á persoa usuaria dunha copia da ordenanza municipal de axuda no fogar, debidamente visada polo organo competente.= 7. Así mesmo, entregarase á persoa usuaria e ao persoal de atención directa, o documento que conteña as tarefas a desenvolver no domicilio.= 8. Informarase ás persoas usuarias da existencia dun libro de reclamacións, que estará a súa disposición, para calquera queixa ou reclamación. No caso de queixa ou reclamación, facilitarase unha copia da queixa á persoa usuaria e remitirase a orixinal ao servizo de inspección no prazo de tres días, xunto cun informe do caso, segundo establece a artigo 6.i) do Decreto 254/2011, do 23 de decembro, polo que se regula o réxime de rexistro, autorización, acreditación e a inspección dos servizos sociais en Galicia.= 9. O departamento de servizos sociais do Concello abrirá un expediente por cada persoa usuaria ou por cada unidade de convivencia á que presta o servizo, no cal constará, cando menos:= * Un informe (Anexo IV no caso de libre concorrencia) de avaliación inicial, asinado polo/a Traballador/a Social, responsable da coordinación do servizo de axuda no fogar.= * Un proxecto de intervención, asinado polo/a traballador/a social, segundo o anexo V desta ordenanza (anexo II da Orde do 22 de xaneiro de 2009).= * Un acordo de servizo asinado entre o concello de Cambados e a persoa usuaria, segundo o anexo VI desta ordenanza.= * Informes de seguimento da prestación nos domicilios das persoas usuarias, que terá, como mínimo, un carácter bimestral, ou extraordinarios, cando as circunstancias así o aconsellen.= **Artigo 18º.- Intensidade na prestación do servizo.**= 1. A intensidade do servizo determinarase, con carácter xeral, en horas mensuais de atención, distribuídas en función das necesidades da persoa usuaria e do informe técnico, dende as 7,00 ata as 23,00h. No caso de libre concorrencia ata un máximo de 30h/mes.= 2. A intensidade do servizo de axuda no fogar, para as persoas atendidas no marco do sistema de autonomía persoal e atención á dependencia, estará predeterminada no seu programa individualizado de atención. A súa aplicación horaria será flexible e conforme co proxecto de intervención, de xeito que, cando menos, se garanta a cobertura das necesidades de atención de carácter persoal na realización das actividades básicas da vida diaria, relacionadas no artigo 4.1º- a) da Orde de 22 de xaneiro de 2009, pola que se regula o servizo de axuda no fogar, todos os días da semana, dende as 7,00 ata as 23,00 horas.= 3. Nos restantes casos, a intensidade do servizo, virá determinada na prescrición efectuada polo departamento de servizos sociais comunitarios e con carácter xeral se prestará de luns a venres, excepto festivos.= **Artigo 19º.- Determinación da capacidade económica do sistema de atención a persoas usuarias da dependencia.**= 1. A capacidade económica das persoas dependentes, valoradas con dereito recoñecido de atención, mediante o servizo de axuda no fogar, calcularase en atención a súa renda e, se e a caso, ao seu patrimonio. Teranse en conta, ademais, a renda e patrimonio do cónxuxe e a existencia de persoas convivintes, economicamente dependentes. Para o cálculo da citada capacidade económica, observarase os criterios e regras dispostos na Resolución do 2 de decembro de 2008, da Secretaría de Estado de Políticas Sociais, Familia e Atención á Dependencia e Discapacidade, pola que se publica o Acordo do Consello Territorial do Sistema para a Autonomía Persoal e Atención á Dependencia, sobre determinación da capacidade económica do/a beneficiario/a e sobre os criterios de participación deste nas prestacións de dito sistema, así como as



normas regulamentarias promulgadas pola Xunta de Galicia que incorporen aquelas regras ao sistema galego de servizos sociais.= 2. O resultado do cálculo da capacidade económica correspondente ás persoas dependentes valoradas con dereito de atención recoñecido no servizo de axuda no fogar, constará na resolución do plan individualizado de atención que se desenvolva en cada caso, de conformidade co que establece o artigo 38 do Decreto 15/2010, do 4 de febreiro, polo que se regula o procedemento para o recoñecemento da situación de dependencia e do dereito ás prestacións do sistema para a autonomía e atención á dependencia, o procedemento para a elaboración do programa individual de atención e a organización e funcionamento dos órganos técnicos competentes.= **Artigo 20º- Determinación da capacidade económica das persoas usuarias do servizo de axuda no fogar por libre concorrência e outros servizos complementarios que impliquen copagamento.**= No servizo de axuda no fogar prestado a persoas ou unidades de convivencia distintas ás referidas no artigo anterior, o cómputo da capacidade económica farase de acordo cos seguintes criterios: 1. Computarase a renda de todas as persoas residentes na mesma unidade de convivencia. Para estes efectos considérase renda a suma de calquera das modalidades de ingreso a que se refire o artigo 6.2 da Lei 35/2006, do 28 de novembro, do imposto sobre a renda das persoas físicas.= 2. Computarase, así mesmo, o patrimonio neto de todas as persoas residentes na unidade de convivencia. Para estes efectos, enténdese por patrimonio neto o conxunto de bens e dereitos de contido económico de que sexan titulares, determinados consonte as regras de valoración recollidas na Lei 19/1991, do 6 de xuño, do imposto sobre o patrimonio, con dedución das cargas e gravames de natureza real que diminúan o seu valor, así como das débedas e obrigas persoais das cales deba responder. Igualmente, para o cómputo do patrimonio neto deberán terse en conta as exencións que prevé a Lei 19/1991, do 6 de xuño, do imposto sobre o patrimonio, ao respecto da vivenda habitual e doutros bens e dereitos.= 3.- A capacidade económica calcularase sumando todas as rendas computables e restando o pago de hipoteca ou aluguer ata o 75% do IPREM, modificadas á alza pola suma dun 5% do patrimonio neto en cómputo anual, e dividindo o resultado de dita suma entre o total de persoas que convivan no fogar.= **Artigo 21º.- Participación no financiamento do servizo das persoas dependentes con dereito de atención recoñecido como usuarias do servizo de axuda no fogar.**= 1.- No caso de que a capacidade económica da persoa usuaria do servizo de axuda no fogar para persoas dependentes valoradas con dereito de atención recoñecido, sexa igual ou inferior ao indicador público de rendas a efectos múltiples (IPREM), quedará exenta da obriga de participar no custo do servizo.= 2.- Nos demais supostos, aplicarase a seguinte táboa, na cal se expresa o copagamento en termos de porcentaxe sobre a capacidade económica da persoa usuaria e en función da intensidade do servizo asignado:

	GRAO I		GRAO II		GRAO III	
	Nivel I	Nivel II	Nivel I	Nivel II	Nivel I	Nivel II
Capacidade económica (referida ao IPREM)	20 h.	30 h.	40 h.	55 h.	70 h.	90 h.
Maior ou igual ó 100% do IPREM	0%	0%	0%	0%	0%	0%
Maior do 100% e menor ou igual ó 115% do IPREM	4,52%	6,56%	8,59%	11,42%	14,47%	18,09%
Maior do 115% e menor ou igual ó 125% do IPREM	5,41%	7,84%	10,28%	13,66%	17,31%	21,64%
Maior do 125% e menor ou igual ó 150% do IPREM	5,55%	8,05%	10,54%	14,01%	17,76%	22,19%
Maior do 150% e menor ou igual ó 175% do IPREM	5,65%	8,19%	10,73%	14,26%	18,07%	22,59%






Ilmo Concello de
CAMBADOS
(Pontevedra)

Maior do 175% e menor ou igual ó 200% do IPREM	5,72%	8,30%	10,87€	14,45%	18,31%	22,89%
Maior do 200% e menor ou igual ó 215% do IPREM	5,81%	8,42%	11,03%	14,66%	18,58%	23,23%
Maior do 215% e menor ou igual ó 250% do IPREM	6,03%	8,75%	11,46%	15,24%	19,31%	24,14%
Maior do 250% e menor ou igual ó 300% do IPREM	6,24%	9,05%	11,86%	15,76%	19,97%	24,97%
Maior do 300% e menor ou igual ó 350% do IPREM	6,42%	9,30%	12,19%	16,20%	20,53%	25,66%
Maior do 350% e menor ou igual ó 400% do IPREM	6,54%	9,48%	12,42%	16,51%	20,93%	26,16%
Maior do 400% e menor ou igual ó 450% do IPREM	6,63%	9,62%	12,60%	16,75%	21,22%	26,53%
Maior do 450% e menor ou igual ó 500% do IPREM	6,70%	9,72%	12,74%	16,93%	21,45%	26,82 %
Superior o 500% do IPREM	6,76%	9,80%	12,84%	17,07%	21,63%	27,04%

3.- Nos casos en que, por renuncia parcial expresa da persoa beneficiaria ao seu dereito de atención co número de horas expresadas no PIA, ou cando por tratarse dun suposto de compatibilización do SAF con outro servizo ou prestación do catálogo as horas reais prestadas de servizo de axuda no fogar sexan inferiores á cantidade expresada en cada columna da táboa anterior para o grao e nivel correspondente, a cantidade a pagar será minorada proporcionalmente á diminución das horas efectivas de servizo.= 4.- En ningún caso, o importe da participación económica que deberá ingresar a persoa beneficiaria en concepto de copagamento, poderá exceder ao 65% do custo do servizo determinado en termos de prezo/hora.= **Artigo 22.- Participación das persoas usuarias no financiamento doutros servizos que impliquen copagamento.-** 1. Para o servizo de axuda no fogar, en réxime de libre concorrência, para as persoas que non teñan o recoñecemento da situación de dependencia, ou non as asista o dereito de acceso efectivo ao catálogo de servizos de atención á dependencia, segundo o calendario de implantación que se establece na Lei 39/2006, aplicarase a seguinte táboa que regula unha progresiva participación económica no custo do servizo en base ó cálculo da capacidade económica per capita, de acordo co establecido no artigo 20 desta ordenanza.


CAPACIDADE ECONOMICA	Participación n o custe do servizo de SAF básico
Menor do 0,80 IPREM	0 %
Maior do 0,80 e menor ou igual a 1,50 IPREM	10 %



Maior de 1,50 e menor ou igual a 2,00 IPREM	20 %
Maior de 2,00 e menor ou igual a 2,50 IPREM	40 %
Maior de 2,50 IPREM	60 %

2. Sen prexuízo do anterior, poderán establecerse excepcións aos criterios xerais do referido copagamento nos casos en que a situación causante da aplicación do servizo de axuda no fogar sexa unha problemática de desestructuración familiar, exclusión social ou pobreza infantil, circunstancia que deberá estar debidamente xustificada no correspondente informe social.= 3. En calquera caso, establecerase un límite máximo de participación económica das persoas usuarias do 40% da súa capacidade económica.= 4. No caso de servizos complementarios aplicarase o presente baremo, establecendo como límite máximo de aportación por parte do usuario o recollido na normativa vixente a aplicar.= **Artigo 23º.- Afectación dos ingresos municipais polo copagamento dos servizos.**= De conformidade co artigo 56.7 de Lei 13/2008, de servizos sociais de Galicia, en todo caso, os ingresos que recade o concello de Cambados, en concepto de achega das persoas usuarias para a súa participación no custo dos servizos sociais comunitarios, estarán afectados ao financiamento dos servizos sociais que reciban.= **Artigo 24º.- Da coordinación das entidades privadas que atendan a persoas usuarias financiados total ou parcialmente con fondos públicos.**- No caso das entidades privadas que presten o servizo de axuda no fogar, mediante financiamento total ou parcial con fondos públicos, ou que atendan a persoas usuarias derivadas do sistema de autonomía persoal e atención á dependencia, manterán unha coordinación efectiva cos servizos sociais comunitarios básicos, establecendo un protocolo de comunicación de altas no servizo de cada persoa usuaria, así como unha copia do correspondente proxecto de intervención e dos informes de seguimento, dirixidos aos servizos sociais comunitarios básicos do Concello ou entidade local.= **Artigo 25º.- Obrigados ao pagamento.**- Están obrigados ao pagamento do prezo público regulado nesta ordenanza, as persoas usuarias beneficiarias do servizo prestado por este Concello ás que se refire o artigo 8.= **Artigo 26º. - Nacemento da obriga de pago.**- A obriga de pagar os prezos públicos regulados nesta ordenanza, nace, en xeral, dende que se inicie a prestación do servizo e deberá facerse efectivo de acordo coas seguintes normas de xestión:= 1. Os prezos públicos contemplados nesta ordenanza satisfaranse con carácter posterior á prestación do servizo e con carácter específico, durante os primeiros dez días do mes seguinte.= 2. O Concello habilitará a fórmula de cobramento máis axeitada das aportacións a asumir polas persoas usuarias.= **Artigo 27º. - Infraccións e sancións.**= As infraccións e sancións rexeranse, no relativo aos pagos, pola Lei 5812003, do 17 de decembro, xeral tributaria e polo Real Decreto 93912005, do 29 de xullo, polo que se aproba o Regulamento Xeral de Recadación, e no resto das materias, polo disposto na Lei 1312008, de 3 de decembro, de servizos sociais de Galicia.= **DISPOSICION DERROGATORIA.**= Esta ordenanza derroga expresamente a ordenanza reguladora do servizo de axuda no fogar publicada no BOP nº 141 de viernes 24 de julio de 2009, e calquera outra disposición de igual ou inferior rango que sexa contraria á mesma.= **DISPOSICION DERRADEIRA.**= Esta ordenanza entrará en vigor ao día seguinte da súa publicación no Boletín Oficial da provincia de Pontevedra.

(DOCUMENTOS ANEXOS: Anexo I.- Solicitud Servizo de Axuda no Fogar.= Anexo II.- Informe médico.= Anexo III.- Baremo para determinar a asignación do servizo de axuda no fogar en réxime de libre concurrencia.= Anexo IV.- Informe Social (S.A.F.).= Anexo V.- Servizo de Axuda no Fogar: proxecto de intervención.= Anexo VI.- Acordo de Servizo.= Modelo Domiciliación Bancaria para o pago da cuota correspondente ao servizo de axuda no fogar.= Anexo VII.- Solicitud de baixa da prestación do servizo de axuda no fogar.= Anexo VIII.- Notificación de acceso ao servizo de axuda no





Ilmo Concello de
CAMBADOS
(Pontevedra)

fogar do Concello de Cambados.= Anexo IX.- Identificación da entidade titular, sede oficial e oficina base do programa.= Anexo X.- Protocolo para o inicio da prestación efectiva e establecemento do vínculo entre a/o auxiliar de axuda no fogar e a persoa usuaria do servizo.= Anexo XI.- Réxime de visitas aos domicilios do/a Técnico/a que coordine ou supervise o programa.= Anexo XII.- Protocolos de actuación no caso de urgencias e de incidencias.= Anexo XIII.- Protocolos de substitución da persoa auxiliar de axuda no fogar e de cesación do servizo.= Anexo XIV.- Protocolo de actuación no caso de queixa no libro de reclamacións).

6º.- ESCRITO DE D. MANUEL DUARTE GARRIDO POLICIA LOCAL DESTE CONCELLO, SOLICITANDO A COMPATIBILIDADE PARA O EXERCICIO DE ACTIVIDADE PRIVADA (ARTIGO 14 DA LEI 53/1984).- Polo Sr. Alcalde participase que, ó igual que xa se comentou na Comisión Informativa, con data 28.08.2013 (R.E. nº 2013/4884), por parte do Sr. Duarte Garrido vense de presentar un escrito interesando a anulación do solicitado, razón pola que se retira o asunto da orde do día.

7º.- SOLICITUDE, SE PROCEDE, DE DECLARACION DA FESTA DA VIEIRA COMO FESTA DE INTERES TURÍSTICO NACIONAL.- Dase conta da seguinte proposta da Presidencia, informada favorablemente pola Comisión de Cultura, en sesión celebrada o día 28 de agosto: "No verán do 2002 o Concello de Cambados, xunto coa Confraría de Pescadores e co respaldo da Consellería de Pesca, uníronse para organizar as "Primeiras Xornadas de Exaltación da Vieira" que tiña como obxectivo primordial relanzar a imaxe da vieira como produto natural de calidade e, deste xeito, combatir a crise sectorial que levaba anos afectando á flota de mariscadores.= Co paso dos anos, este acontecemento lúdico-festivo está a acadar un forte enraizamento popular e un reclamo turístico importante, dado o carácter participativo da poboación e o feito de que esta Festa de exaltación da vieira é a única que se celebra tanto a nivel galego como nacional e internacional en torno a este produto singular da nosa ría.= Por tal motivo, e co fin de que poida ser declarada como Festa de Interés Turístico de Galicia, por parte desta Alcaldía, iniciáronse diferentes xestións coa finalidade de poder solicitala ó abeiro do Decreto 39/2001, de 1 de febreiro, da Xunta de Galicia, de refundición en materia de Consello Galego de Turismo, declaración de municipio turístico galego e declaración de festas de Galicia de interés turístico.= De acordo coa referida disposición, a solicitude para declaración da Festa como de interés turístico haberá de ir acompañada do correspondente acordo plenario, así como dunha memoria explicativa na que se detallará entre outros apartados, a súa antigüidade, singularidade, arraigamento e valor cultural.= Na súa consecuencia, coidando que se cumpren tódolos requisitos esixidos e que este Concello conta coa documentación necesaria que o xustifique, é polo que esta Presidencia proponlle á Comisión Informativa de Cultura, que dictaminando o asunto en sentido favorable interese do Pleno da Corporación se pronuncie de xeito unanime adoptando acordo no sentido de solicitar a declaración da "Festa da Vieira" como Festa de Interés Turístico de Galicia, facultándose ó mesmo tempo a esta Presidencia para a realización de cantas xestións resulten necesarias aos indicados efectos."

Por parte dos Portavoces do P.S.deG.-PSOE, Sra. Abal Roma, e do B.N.G., Sr. Caamaño Rivas maniféstase a vontade dos seus grupos de votar a favor da proposta, toda vez que Cambados é na actualidade o único porto autorizado para comercializar vieira, polo que é lóxico que a festa de exaltación deste produto estrela da nosa ría se celebre precisamente nesta vila, coidando ó mesmo tempo que deste xeito se favorecerá non só ó sector do mar



senón tamén ó hosteleiro ó ser un reclamao máis para o turismo gastronómico en auxe nestes momentos, promocionando aínda máis o nome de Cambados por toda Galicia.

Rematadas as intervencións, a Corporación Municipal, por unanimidade, acorda solicitar a declaración da “Festa da Vieira” como Festa de Interés Turístico de Galicia, facultándose ó mesmo tempo ó Sr. Alcalde para a realización de cantas xestións resulten necesarias aos indicados efectos.

8º.- MOCION DO B.N.G. PARA AMPLIACION DO HOSPITAL DO SALNES.- Dase conta da seguinte moción presentada polo Portavoz do grupo municipal do B.N.G. do Concello de Cambados, Sr. Caamaño Rivas, que é do seguinte tenor literal: “MOCION PARA AMPLIACION DO HOSPITAL DO SALNES.= EXPOSICION DE MOTIVOS.= O Hospital do Salnés construíuse froito da demanda d@s veciñ@s da comarca do Salnés e da súa mobilización constante até conseguir que unah ILP se aprobara no Parlamento Galego e posteriormente fora unha realidade que a Comarca contar comb un hospital propio.= Desde a súa inauguración en xaneiro de 2011, sempre contou con servizos e recursos por debaixo das necesidades da poboación á que ía a prestar asistencia sanitaria: a ratio de persoal máis baixa dos centros sanitarios dependentes do Sergas, nunca contou con UCI, as camas enseguida se vue que non chegaban para o nº de doentes que tiña que atender, quirófanos insuficientes, e o servizo de urxencias tamén se verificou que non tiña a dimensión precisa.= Construíuse un hospital que naceu pequeno para as necesidades reais de asistencia sanitaria. Durante todos estes anos foron constantes as reivindicacións tanto dos profesionais como da cidadanía, o que levou aos responsables sanitarios a recoñecer a necesidade de acometer obras de ampliación. Ampliacións qu eou aínda non chegaron ou se realizaron con tardanza, como a terceira planta, que tras a súa construción, a día de hoxe está infrautilizada.= A realidade é que pasou toda unha lexislatura e as promesas non se materializaron.= A construción dun edificio anexo para a ampliación do servizo de urxencias e a dotación de novos quirófanos, que está por debaixo das demandas pola cidadanía e profesionais que seguen a reivindicar a necesidade dunha UCI e un Hospital de Día, segue agardándo a pesares de que houbo incluídas partidas nos orzamentos da Xunta para tal fin.= As inclusións de partidas nos orzamentos que non se executan, promesas do PP e da Xunta incumpridas sistemáticamente só poden ser entendidas como unha manobra de dilación para xustificar a construción do macrohospital de Monte Carrasco en Pontevedra.= A última fase deste encadeamento de incumprimentos do PP e do propio Núñez Feijoo comezou en outubro do 2009 cando unha visita á Autoridade Portuaria de Vilagarcía, Núñez Feijoo comprometeuse a ampliar o servizo de urxencias do Hospital do Salnés e que as obras se acometerían o ano seguinte paa o que destinarían un millón de euros. En 2010 deciden revisar o Plan Director e coa promesa de iniciar as obas ao remate de dita revisión. En marzo de 2012 o alcalde de Vilagarcía, Tomás Fole veu dunha reunión co Presidente da Xunta coa promesa de que o Hospital se licitaría antes de rematar a lexislatura pasada.= En agosto do 2012, o Consello da Xunta tomou o acordo de O Sergas contratará de maneira conxunta a redacción de proxectos, dirección de obras, mantemento e subministración enerxética de 15 novos centros de saúde e da ampliación do Hospital do Salnés, por un importe de 11 millóns de euros.= Nos orzamentos da Xunta para este ano 2013 están contemplados 6.125.780 € para a ampliación do hospital. A Mancomunidade do Salnés puxo meses os terreos a disposición da Xunta, está contemplada partida orzamentaria nos orzamentos para 2013, máis a realidade é que a día de hoxe (3 de xuño) non hai constancia de que nin sequera estea contratado o proxecto, incluso hai uns días nos medios de comunicación





Ilmo Concello de
CAMBADOS
(Pontevedra)

o delegado da Xunta na provincia de Pontevedra puxo de manifesto a existencia dun “teórico recurso” contra a licitación do proxecto de ampliación do Hospital” que imposibilitaba poder adxudicar a elaboración do proxecto, un par de días despois informábase de que o recurso estaba solucionado.= Todo o exposto levan ao Grupo Municipal do Bloque Nacionalista a solicitar desta corporación a adopción do seguinte ACORDO.= 1. Instar á Xunta de Galiza a que se realicen todas as actuacións precisad, e se axilicen todos os trámites para que se acometa a ampliación do Hospital do Salnés prevista, e a que se invista a cantidade contemplada no orzamento de 6.125.780 euros neste ano 2013.”

Por parte do Portavoz do B.N.G., Sr. Caamaño Rivas maniféstase que, pese ao tempo transcorrido dende a súa presentación, o asunto segue sendo de interés, e que por parte do P.P. encadeáronse unha serie de promesas non materializadas e dilacións do proceso (compra de terreos, etc.) que levaron a máis dunha “bronca” entre membros do referido partido e reproches contra a actuación da Consellería; por elo coida que se debe instar á Xunta para que realice as actuacións precisas e solvente este problema de xeito satisfactorio para todos os veciños e veciñas.

Pola súa parte, a Portavoz do P.S.deG.-PSOE manifesta que o Hospital do Salnés atópase valeiro de contidos e son moitos os casos que se derivan ó Hospital de Pontevedra, por elo o seu grupo está de acordo en que se axilicen os trámites e se destinen máis fondos, toda vez que a nova área de influencia abarca a máis de 75.000 habitantes e non conta cos efectivos necesarios recomendados, polo que o servizo estase prestando de xeito moi deficitario, coidando necesaria esta ampliación.

Por parte do Partido Popular intervén o Concelleiro Sr. Pomares Botana para manifestar primeiro lugar que non entende a razón pola que a moción non foi retirada, toda vez que a día de hoxe carece de sentido toda vez que o proxecto xa está redactado.= Lembra tamén que na súa exposición, o voceiro do B.N.G. omitiu que tódolos Concellos aportaron os fondos esixidos agás o de A Illa e Catoria, así como outros feito ligados á época do bipartito; e, logo doutras manifestacións remata dicindo que o seu grupo non vai apoiar esta moción por coidala extemporánea.

Intervén novamente o Portavoz do B.N.G. para dicir que non se entende por qué un grupo político que está en maioría e contempla partidas orzamentarias para unha actuación, non é capaz de levala a cabo.


A Portavoz do P.S.deG.-PSOE di que debe lembrarse que o Hospital do Salnés foi construído a iniciativa popular, que o único que fixo unha ampliación foi o goberno bipartido da Xunta e que esa terceira planta foi pechada por un goberno do partido popular.= Pregunta así mesmo se o Concello de Cambados xa ten pagado.

Polo Sr. Alcalde contestáselle que o Concello ten asumido ese compromiso e recoñecida a débeda e que o importante é quen está disposto a colaborar e aboar a parte correspondente.= Di tamén que parece que os señores portavoces esquecen quen gobernou entre o 2005 e o 2009 cando daquela había máis orzamento do que hai na actualidade.= Que todos están de acordo en que xa tiña que estar feito, pero como non é así, agora o importante é que se faga e persoalmente confía en que sexa así en breve.

Rematadas as intervencións, sométese o asunto a votación, acadándose o seguinte

Resultado:

Votos a favor: seis (Sres.: Caamaño Rivas, Cacabelos Dominguez, Prado Cores, Abal Roma, Martínez Piñeiro e Giraldez Oubiña).



- Votos en contra: dez (Sres.: Cores Chaves, Martínez Eiras, Varela Piñeiro, Iglesias Pombo, Bea Troncoso, Pomares Botana, Gómez Blanco, Oubiña Santos, Quintáns Cores e Sr. Alcalde).
- Abstencións: ningunha.

A Corporación Municipal, por maioría acorda rexeitar a moción presentada polo B.N.G. relativa á ampliación do Hospital do Salnés.

9º.- DAR CONTA DAS RESOLUCIÓNS DICTADAS POLA ALCALDÍA.- Faiselle entrega a cada Portavoz dos Grupos Políticos, de senllas fotocopias das resolucións dictadas pola Alcaldía dende a última sesión ordinaria, dándose a Corporación Municipal por enterada.-

10º.- CONTESTACION A PREGUNTAS FORMULADAS.-

CONTESTACION AS PREGUNTAS FORMULADAS POLA PORTAVOZ DO P.S.deG.-PSOE con data 08.08.2013 (R.E. nº 2013/4624), en relación coa Festa do Albariño:

1.- Algúns membros das Novas Xeracións do P.P. confirman que foron invitados ó xantar do Albariño. En calidade de qué foi invitado este colectivo ó Xantar? = Resposta.- Polo Concello non.

2.- Ten coñecemento o equipo de goberno de que moita xente foi testemuña de cómo os limpadores do Paseo, cando baldeaban, botaban o lixo ó mar?. Vai tomar o Concello algunha medida ó respecto? = Resposta.- Non. As indagacións pertinentes.

3.- Por qué non se colocaron algúns contenedores de lixo na zona, sabendo de antemán que as papeleras son demasiado pequenas e nen sequera caben dúas botellas de Albariño? = Resposta.- Si se puxeron.

4.- Por qué algunhas rúas de Cambados que están cheas de socavóns, ó redor da Praza de San Benito, permanecen totalmente a escuras nos días do Albariño?. Non hai posibilidade de deixar a lo menos unha das farolas encendidas para evitar accidentes dos viandantes? = Resposta.- Cando se apaga o alumeado da Praza afecta a algunha rúa perimetral.- Hai que separar as liñas.

5.- Por qué houbo variacións nos horarios dos concertos con respecto ó programa de Festas que se celebraron na Praza de San Benito, unha vez pasados os días de luto oficial? (A variación dos horarios non foi como acostuma a ser porque empezaron máis tarde, senón que algúns empezaron media hora antes do previsto). = Resposta.- Así o decidíu (suxeríu?) a productora para unha mellor coordinación do evento.

6.- Cal é o motivo polo que terrazas que se pagan durante todo o ano, na festa do Albariño, teñen que pagar de novo a terraza? = Resposta.- Non é certo.

7.- Dou permiso o Concello para que rúas como a Rúa Ourense fose ocupada con mesas nas dúas aceras e incluso na carretera sen deixar apenas sitio para andar? = Resposta.- Non.

8.- Por qué permite a colocación de camións de bocadillos diante de bocaterías ou camións de xelados mesmo diante dos quioscos, perxudicando o comercio local que paga impostos todo o ano e que se podería ver beneficiado nestas festas se non lle plantasen a competencia mesmo diante da porta? = Resposta.- Levamos anos e non nos constan queixas.



[Handwritten signature]



Ilmo Concello de
CAMBADOS
(Pontevedra)

CONTESTACION AS PREGUNTAS FORMULADAS POLO PORTAVOZ DO B.N.G., en escrito de data 27.08.2013 (R.E. nº 2013/4848), en relación coa Fase I do proxecto de recollida de vertidos no Saco de Fefiñáns:

- 1.- Comezou a realización desta primeira obra de saneamento da Fase I deste proxecto?. De non ser así; cando calcula o goberno municipal que comezará dita actuación e cando, aproximadamente, estará rematada?.= Resposta.- No 2014.
- 2.- Cal é a empresa adxudicataria para realizar esta obra?.= Resposta.- Aínda non hai adxudicatario.
- 3.- Que rúas ou camiños comprende dita actuación?.= Resposta.- O Riveiro, Avda. de Vilagarcía, Rúa Vilanova, Rúa O Grove, O Río e Riveiriño.

11º.- ROGOS E PREGUNTAS.- O Portavoz do B.N.G., Sr. Caamaño Rivas pide que non se permita o aparcamento diante da estatua de Asorey, e reitera o rogo manifestado no pleno anterior no que interesaba a colocación de papeleiras na Rúa San Gregorio contestándosele polo Sr. Alcalde que xa están con ese asunto e solventarase en breve.

A Portavoz do P.S.deG.-PSOE, Sra. Abal Roma pregunta se estan autorizados para utilizar o Auditorio con motivo da homenaxe a Rafael Blanco Guerreiro, contestándosele polo Alcalde que si, e invita a tódolos presentes a participar no acto.

E non tendo máis asuntos que tratar, pola Presidencia dase por finalizada a sesión, sendo as vintedúas horas e dez minutos, extendéndose a presente acta que asina o Sr. Presidente, de todo o que, eu, Secretario, certifico.-

O ALCALDE,



SECRETARIO

